

La prezidento Díaz-Canel alvokas ĉiujn agi respondece pri socia izoliĝo



Havano, mar 26 (RHK) La kuba prezidento Miguel Díaz-Canel gvidis laborkunsidon, kiu ĉiutage kontrolas la evoluon de la nuna situacio rilate la novan kronviruson kaj la laborojn por alfronti ĝin. La prezidento emfazis ke se la lernejoj estas haltigitaj en la nuna scenejo, la infanoj kaj ĝeĵunuloj ne devas esti ekster la domoj, ili devas resti hejme kaj tiucele la familio havas kompletan respondecon kaj sindevigon. La prezidento klarigis ke oni devas minimumigi kiel eble plej multe la riskojn de kontakto kaj tiucele estas esence plu instigi la socian izoliĝon. Aldone, li emfazis pri tio ke urĝas eviti ne necesajn kunvenojn en laborejoj. Estas tempo por serĉi alternativojn kaj impulsi agadmanierojn alispecajn, kiel laboro je distanco, eĉ en la entreprenoj, ĉiam kiam la laboro tion permesas. La prezidento indikis ke oni devas strikte atenti la laboron en la flughavenoj por eltrovi tie la personojn kun simptomoj, kaj ankaŭ pri la funkciado en la centroj de izoliĝo, kiuj jam estas preparitaj por ke la vojaĝantoj revenantaj al la insulo plenumu la 14 tagojn de kvarenteno. Pri la laboro en komunumoj, la ministro pri publika sano, José Ángel Portal, sciigis ke oni plu enketas ĉiutage milojn da civitanoj, el kio rezultas pli ol 3 milionoj 500 mil personoj; el ili oni identigis preskaŭ 32 mil kun spiraj simptomoj kaj preskaŭ ĉiuj estis atentitaj de la familia kuracisto. La ministro asertis ke estas prioritato sekvi la proceduron starigitan por tiu enketado, kiu konsistigas defion por niaj saninstitucioj. Tiu laboro tre gravas por kapti ĉustatempe homojn, kiuj povas esti identigitaj kiel kontaktoj de suspektemuloj aŭ pacientoj jam konfirmitaj. La vicnua ministro Roberto Morales Ojeada elstarigis la

gravecon garantii al ĉiuj laborantoj de la publika sano la bezonatajn protektilojn. Rilate al uzo de nazbuĉ-protektiloj, li emfazis ke ne nur la laboristoj, sed ankaŭ la loĝantaro devus ĉin uzi respondece kaj plenumante la normojn por korekta uzado. La prezidento sugestis ke ĉiuj, kiuj povu ĉin uzi, ke ili tion faru kiel maniero sin protekti. Kaj emfazis ke indas plu fermi laborejojn, kies servoj ne estas necesaj en la nunaj cirkonstancoj. La socia distanco estas ago respondece farendi.

<https://www.radiohc.cu/eo/noticias/nacionales/217862-la-prezidento-diaz-canel-alvokas-ciujn-agi-respondece-pri-socia-izoligo>



Radio Habana Cuba